



Broj: 01/5-50-1-6-23/08
Sarajevo, 18.11.2008.godine

Z A P I S N I K
23. sjednice Komisije za saobraćaj i komunikacije,
održane 18.11. 2008. godine

Sjednica je održana 18.11.2008., s početkom u 13,10 sati.

Sjednici su prisustvovali članovi Komisije: Branko Dokić, Slavko Matić, Sadik Bahtić, Husein Nanić i Selim Bešliagić.

Opravdano su odsustvovali Šemsudin Mehmedović i Mehmed Suljkanović, a odsustvovao je i Savo Erić.

Iz Ministarstva komunikacija i prometa BiH sjednici su prisustvovali: Božidar Škravan, savjetnik ministra, te Kojo Koprivica i Željko Knežević, pomoćnici ministra. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje zapisnika 21. i 22. sjednice Komisije;
2. Prijedlog zakona o Agenciji za razvoj informacionog društva BiH (ZARID), predlagač: Vijeće ministara BiH (druga komisijska faza);
3. Razmatranje dopisa Upravnog odbora BHRT-a u vezi s naknadom članovima Upravnog odbora BHRT-a za rad u Upravnom odboru BHRT-a i Upravnom odboru Javnog RTV sistema BiH;
4. Tekuća pitanja:
 - Upoznavanje o održavanju radionice za parlamentarce jugoistočne Evrope o temi: "Podrška parlamenata harmoniziranim reformama energetskog sektora".

Dnevni red usvojen je jednoglasno.

Ad. 1. Usvajanje zapisnika 21. i 22. sjednice Komisije

Zapisnici 21. i 22. sjednice Komisije usvojeni su jednoglasno, bez primjedbi.

Ad. 2. Prijedlog zakona o Agenciji za razvoj informacionog društva BiH (ZARID), predlagač: Vijeće ministara BiH (druga komisijska faza)

Branko Dokić istakao je da je Komisija za saobraćaj i komunikacije Predstavničkog doma (u daljnjem tekstu: Komisija) ranije dobila odobrenje Kolegija Predstavničkog doma za produženja roka za dostavljanje izvještaja o Prijedlogu zakona Agenciji za razvoj informacionog društva BiH (ZARID) (u daljnjem tekstu:

Prijedlog zakona) do 17.11.2008. Pošto do sada nisu obavljene kvalitetne konsultacije u vezi s pojedinim odredbama Prijedloga zakona, Dokić smatra da Prijedlog zakona u ovakvoj formi ne bi dobio podršku Predstavničkog doma, pa predlaže da se, u skladu s Poslovníkom Predstavničkog doma, zatraži od Doma odobrenje za produženja roka druge komisijske faze o Prijedlogu zakona do 01.12.2008.

Selim Bešliagić smatra da je krajnje vrijeme da se Prijedlog zakona usvoji, a da se, ako je moguće, u skorije vrijeme izvrše potrebne konsultacije, naglašavajući da podržava produženje roka.

Husein Nanić istakao je da se postavlja pitanje da li se mogu izvršiti kvalitetne konsultacije koje će doprinijeti usvajanju Prijedloga zakona, te da je mišljenja da je bolje da se Komisija danas odredi prema Zakonu.

Slavko Matić saglasan je da je neophodno usvojiti Prijedlog zakona, ali da, ako je izvjesno da Prijedlog zakona neće imati potrebnu većinu poslanika iz Republike Srpske, podržava prijedlog da se Komisija odredi prema Prijedlogu zakona prije naredne sjednice Predstavničkog doma. Istakao je da je spreman podržati ovakav Prijedlog zakona.

Božidar Škravan kazao je da je bio koordinator radne grupe za izradu Prijedloga zakona, koja je, nakon izrade prvog Prijedloga zakona, izvršila sveobuhvatne konsultacije s nadležnim tijelima entiteta i Brčko Distrikta BiH i prihvatila većinu njihovih primjedbi, što je doprinijelo da se dobije kvalitetan Prijedlog zakona, koji treba što prije usvojiti.

Nakon rasprave, Komisija je, s četiri glasa „za“ i jednim „suzdržanim“, usvojila sljedeći zaključak:

S obzirom da je Komisija zaključila da je potrebno izvršiti dodatne konsultacije u vezi s pojedinim odredbama Prijedloga zakona, molimo da Predstavnički dom, u skladu s članom 111. stav (6). Poslovnika Predstavničkog doma, odobri produženje roka za dostavljanje izvještaja o Prijedlogu zakona do 1.12.2008.

Ad. 3. Razmatranje dopisa Upravnog odbora BHRT-a u vezi s naknadom članovima Upravnog odbora BHRT-a za rad u Upravnom odboru BHRT-a i Upravnom odboru Javnog RTV sistema BiH

Branko Dokić podsjetio je da je Kolegij Predstavničkog doma odlučio da se dopis Upravnog odbora BHRT-a u vezi s naknadama članovima Upravnog odbora BHRT-a za rad u Upravnom odboru BHRT-a i Upravnom odboru Javnog RTV sistema BiH dostavi Komisiji radi davanja mišljenja, te da je Komisiji dostavljeno i mišljenje Ministarstva komunikacija i prometa BiH o navedenom dopisu.

Selim Bešliagić smatra da Komisija nije kompetentna da razmatra pitanje naknada članovima Upravnog odbora BHRT-a (daljnjem tekstu: Upravni odbor) te da bi Upravni odbor trebalo da podnese zahtjev Ustavnoj komisiji Predstavničkog doma za autentično tumačenje Zakona o Javnom RTV servisu BiH i Zakona o Javnom RTV sistemu BiH.

Husein Nanić mišljenja je da Komisija ne treba da se bavi pitanjem plaća članova Upravnog odbora, te da ima utisak da se sve čini kako se ne bi uspostavio Javni RTV sistem BiH

Sadik Bahtić istakao je da ne podržava odluku Upravnog odbora o povećanju naknada za rad u Upravnom odboru Javnog RTV sistema BiH, jer to nije u skladu sa Zakonom o Javnom RTV servisu BiH, te da im se naknade moraju isplaćivati u skladu s članom 28. Zakona.

Slavko Matić istakao je da Komisija ne bi trebalo da se bavi pitanjem plaća, da nije precizirano pitanje naknada za rad u Upravnom odboru Javnog RTV sistema BiH, te da imamo konfuznu situaciju u kojoj direktor BHRT-a ne provodi odluke Upravnog odbora.

Kojo Koprivica smatra da je odredba člana 28. Zakona o Javnom RTV servisu BiH potpuno jasna i da članovi Upravnog odbora imaju pravo na naknadu u iznosu od tri minimalne plaće u entitetu iz kojeg dolaze. Naknada za predsjedavajućeg Upravnog odbora nije precizno utvrđena, ali smatra da je logično da bude uvećana u odnosu na ostale članove, uzimajući u obzir veću odgovornost predsjedavajućeg.

Branko Dokić istakao je da je direktor BHRT-a osporio odluku Upravnog odbora o naknadi za rad u Upravnom odboru Javnog RTV sistema BiH, a da prethodno nije tražio tumačenje ove odluke, pa se stoga Upravni odbor obratio Predstavničkom domu za mišljenje. Smatra da se naknade za rad u Upravnom odboru BHRT-a moraju isplaćivati u skladu s članom 28. Zakona o Javnom RTV servisu BiH, a da se naknade članovima Upravnog odbora za rad u Upravnom odboru Javnog RTV sistema BiH moraju uskladiti s drugim emiterima.

Nakon rasprave, Komisija je usvojila sljedeće zaključke:

1. Naknade za rad u Upravnom odboru BHRT-a moraju se isplaćivati u skladu s članom 28. Zakona o Javnom radiotelevizijskom servisu BiH („Službeni glasnik BiH“, br. 92/05).
(zaključak je usvojen s četiri glasa „za“ i jednim „suzdržanim“)

2. U vezi s naknadom članovima Upravnog odbora BHRT- za rad u Upravnom odboru Javnog RTV sistema BiH, kao i povećanjem naknade za rad predsjedavajućem Upravnog odbora BHRT-a, Komisija je konstatirala da zakonske odredbe koje se odnose na ova pitanja nisu precizne, te predlaže Upravnom odboru BHRT-a da Parlamentarnoj skupštini BiH podnese zahtjev za autentično tumačenje Zakona o Javnom radiotelevizijskom servisu BiH i Zakona o Javnom radiotelevizijskom sistemu BiH.
(zaključak je usvojen s četiri glasa „za“ i jednim „suzdržanim“)

3. Komisija je zaključila da se Kolegiju Predstavničkog doma dostavi Mišljenje Ministarstva komunikacija i prometa BiH o dopisu Upravnog odbora BHRT-a. (zaključak je usvojen jednoglasno)

Ad. 4. Tekuća pitanja

Ahmed Jalovičić podsjetio je da je Komisija na 22. sjednici prihvatila prijedlog Vijeća za regionalnu saradnju (RCC) da bude koorganizator radionice za parlamentarce Jugoistočne Evrope o temi: “Podrška parlamentarna harmoniziranim reformama energetskog sektora“. Dogovoreno je da radionica bude održana 15. decembra 2008. u zgradi Parlamentarne skupštine BiH, na kojoj će, osim predstavnika parlamentarnih komisija nadležnih za oblast energije, učestvovati i predstavnici Evropske komisije, Evropskog parlamenta, Regionalnog sekretarijata za parlamentarnu saradnju, međunarodnih organizacija i finansijskih institucija. Ukazao je da je DTT Forum BiH uputio pozivnicu članovima Komisije za učešće na konferenciji “Programski sadržaj u digitalnom emitiranju”, koja će biti održana u Sarajevu, 26. novembra 2008.

Kako nije bilo drugih pitanja, predsjedavajući je zaključio sjednicu u 14,05 sati.

SEKRETAR KOMISIJE
Ahmed Jalovičić

PREDSJEDAVALAČI KOMISIJE
dr. Branko Dokić